

## 3 YOHANES

### Yohanes Eto Kukue Tsyəfə

<sup>1</sup> Ɔyetsyuə lala Gaio, mɔ bafokanɔfɔ eto uninə nɛ kukue komfo bɔwɔni kətə fə. Maala fə lə sitinti eto ditiki nəmə əsuə.

<sup>2</sup> Mɔ ɔyetsyuə lala, nɛ ola boto miə lə lesa saa lə lələkɛ ditə fə nya lə akɛ əsuəalɛ. Nyi miə ite fe kase fənyə kekɛkɛ lə lɛwɔnɔ əsuə. <sup>3</sup> Nnyə disuəyuə tinti se bafokanɔfɔ eto bayimitsyuə díbə bátɛyi mɛ kase fanɛ ɔnukualetiki nəmə kekɛkɛ lə kɔni fe kase fáɛ ni kɔ seka ke. <sup>4</sup> Se minɔ bə mɔ bebi ɛ nkpə busiə lə ɔnukualetiki nəmə eto kusu əsuəə, nnyə disuəyuə tinti.

#### *Bafokanɔfɔ Átesə Gaio.*

<sup>5</sup> Mɔ ɔyetsyuə lala, eyifo nwə leeyifo kaseyifo kətə fə bayimi bafokanɔfɔ tsyuə, lə bafɔ beni kulaa tsya. <sup>6</sup> Bəbə bátɛyi bafokanɔfɔ eto ditsyukpa mfo kase fala mə. Nyaso nɛ fə lekpakpa lə awunsəko mə lə bakɛ mə asa nnya loofɛ itə mə fe kase inyə itə Onanto eto keyifo bə lə besukosə mə kusu ko banye sɛtɔ. <sup>7</sup> Itsyise bətsyə kasɔ mə kusu bɔyɛ kafɛ lə Kristo eto keyifo əsuə nya bámfo bɔwunsəko saa betsyiko lə mba lenni bafokanɔfɔ ɔflɔ. <sup>8</sup> Mmə eso ele bə bafokanɔfɔ wunsəko betidi bamfo eto okle. Nyamfo loote bə buyifo bani ku mə lə keyifo kətə Kristo eto Ditiki Sɛɛ nəmə əsuə.

*Yohanes Edi Etiki Itsyi Lə Diotrefo Ku Demetrio Esuə.*

<sup>9</sup> Nwɔni kukuə kutsyuə ntsyese bafokanɔfo eto ditsyukpa nəmə, fɛɛ Diotrefo wə léla nkə weedi mə ɔtɔnkpe mfó anla nkə wetsyue lesa nə maateyi koto. <sup>10</sup> Lə mbəə, muuləkə lesa saa nə úyifo nte, asa bua nnya ɔnlɛ bɔteyi lə bo əsuə ku bidia bia waateyi. Fɛɛ nyamfo mənsiə tɔ, wəəmbofo bayimi ba ni bafokanɔfo ku kafa faa lə bəbə mfó. Nya weeti mba laala bə baafə mə kusu nya waala nkə waala mə uləkə lə bafokanɔfo eto ditsyukpa nəmə nti.

<sup>11</sup> Mɔ ɔyetsyuə lala, məntəkəko lebuayifoyifo kama. Bomu təkəko kaseyifoyifo kama. Utsyuə saa wə leeyifo kasɛɛ eyifo Onanto eto ole. Fɛɛ nwə leeyifo asa buaa, mánte tɔ Onanto.

<sup>12</sup> Utsyuə saa eedi etiki sɛɛ ketsyiko lə Demetrio əsuə. Nya ɔnukuale əmə kosate eedi etiki sɛɛ ketsyiko lə wə əsuə. Bo əmə tsya lɛ adansiɛ budi lə wə əsuə, nya eyi fə lesa nə boatəyi eyifo ɔnukuale.

### *Yohanes Ákla Mə.*

<sup>13</sup> Asa kpə kpə ele bə nteyi fə, fɛɛ manla miə maawɔni nnya ntsyese fə. <sup>14</sup> Bomu nla miə məəbə fə ɔflo lə lefe kliminti əsuə nya lə budi etiki butə bətsyuə ənəmi ku ənəmi.

<sup>15</sup> Diyuə lə disiənko fə. Fə bayimitsyuə lə mfo kenke bə bəəsiəsə fə kukɔɔ. Məəsiəsə bayimitsyuə saa kukɔɔ.

**Onanto eto kakle ɔɔɔ; Sɛkpɛle  
Sɛkpɛle: Onanto eto kakle ɔɔɔ; Sɛkpɛle New  
Testament**

copyright © 2008 Wycliffe Bible Translators, Inc.

Language: (Sɛkpɛle)

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 21 Feb 2024 from source  
files dated 29 Jan 2022

5fc03d2a-3cf8-5607-a6e0-9e1e197140bd